

وفی ۲۲ تشرین ثانی سنه ۱۳۲۶

فی ۳ ذی الحجه سنه ۱۳۲۸

پازار ایرتسی

جمعیت علمیة اسلامیه نك ناشر افکاریدر


مدیر مسئول :
مکتب قضاة معاملرندن
کلیسی منیر

سر محرر :
فاتح مجیز درسعاملرندن
نوقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

قربانلر حقننده فنواخانه جلیله نك بیاننامه سی
دوئما اعانه سی زکات یرینه کچری ؟ کوچک حمدی
دوئماضری یاپلم دیغزی بیقمه لم مبعوس امین
قاش یاپلم دیرکن کوز چیقارمیه مبعوس عبدالوهاب
حقیقت اوغرنده علی رضا
منقذرتمزه خطاباً خالد
شیخ الاسلام افندی حضر تلرینه آجیق مکتوب حسن تحسین




نسخه سی ۱ غروشددر

آبونه اجرقتی (پوسته اجریتله برابردر)

مالک اجنبیه ایچون :
۱۳ ، ۰۰ فرانق
» ۶ ، ۰۰


استانبول وولایات ایچون :
بر سنه لکی ۵۰ غروش
القی آیلنی ۲۵ »

درج اولنیمان اوراق اعاده ایدلنز



قارئلر مضره

اکثر مقالاته آیات کریمه واحادیث نبویه درج ایدلنش بولندیفی نظراعتباره آلنه رق رعایتسزلکده بولنلمامسی رجا اولنور .



در سعادت

محمود بك مطبعه سنده طبع اولنمشددر



پازار ایرتسی کونلری نشر اولور دینی ، ادبی ، سیاسی وفنی هفته لق غزته در .

اوله جینی ومع مافیه واجبی وقتنده ایفا ایتمدیکندن نانی
اول کیسه لرك کنه یار و آثم اوله جقلری افاده ایدلدیکی
باب مشیخت علیادن بیلدیرلمشدر .

دوئما اعانه سی زکات یرینه چکرمی ؟

انما الصدقات للفقراء والمساكين والعاملین علیہا
والمؤلفة قلوبہم وفي الرقاب والغارمین وفي سبیل اللہ
وابن السبیل فریضة من اللہ واللہ علیم حکیم
خذوها من اغنیائہم وردوها الی فقرائہم (حدیث)
ہاتوا ربع عشر اموالکم (حدیث)

نفس وجوبی ووجوب ادا وشرائط اداسی شو کی
آیات واحادیث ایله مؤکداً ثابت اولوب مبنیای خمس
اسلامه داخل بولنان زکاتک دوئما اعانه سنہ ترک اولومسی
لزومنه دائر برطاسم جریانلرک میدان آلمغه باشلادیغی
وبعضیلرینک بوبایده پشداراق ومرشدلک وظیفه سی

قربانلر حقندہ فتواخانہ جملیلہ نک بیاننامہ سیدر
عید اضحی مناسبیلہ ذبح ایدیلہ جک قربانلر اثمانک
دوئمای عثمانی اعانه سنہ ویرلمسی جائز وبونسکله امر انہی
اولان ذبح قربان ساقط اولوب اولمیه جینی حقندہ استغنائی
حاوی باب فتواہ چکیان تاغرافنامہ و اول بایده ورود
ایدن استدعاینامہ لر اوزرینہ فتواخانہ دن ویر یان مذکرده
اضحیه ده واجب اولان ایام نحرده اراقہ دم اولوب بودہ
خالص حق اللہ اولدیغی جہتنہ ذبح ایتمکسزین قربانک
عیننی ویا بدائی تصدق واجبی اسقاط ایتیمه جکی وانجق
ذبح ایدیلہ رک واجبی ادادن صکرہ جلود ولحومنی واول
جلود ولحومک بدلارینی و واجب اولمیب متوفی ابوین
واقربا وتمامات واحبابہ ویا صور سائرہ ایله تطوعاً ذبح
ایدیلہ جک قربانلرک بدلارینی امرخیز مذکورہ اعطاجائز
ومشروع اولدیغی و اوزرینہ ذبح قربان واجب اولوبده
ایام نحرده واجبی ادا ایتیب قصداً وقتنی فوت ایدن غنی
کیسه لرك ذبح ایدہ جکی قربانک بدائی تصدق ایتسی لازم

دین اسلام ایسه بر آلت سیاسیه اولمقدن میرا اولوب
آنحوق سیاحتی ، مدنیت بشریه ، مدنیقی سعادت ابدیه
وسيله اتخاذ ایلر .

ظن یدره که بومسئله فقه و فلسفه و اصول فروع
و علوم اجتماعیة نقطه نظر لرندن بیوجک بر کتاب اشغال
ایده جک قدر واسعدر . لکن عرض ایتدیکم وجهله
ایشه بوضورتله کیریشمکه و قم غیر مساعددر . بونک
ایچون ادیانک قانون تکامله صورت تبعیتی خرسیتیانلقده
پروستیانلق کبی اسلامیتده دینی بر انقلاب تجدیدکارانه
احداث اولمقی ، حقنقه بعضیلر طرفندن اتباع ایدلمک
ایسته نپلن و هر هانکی بر مباحثه دینیه در حال کنیدیسی
لوتر ، قارشیدنده کیلری پایا وضعیتده کو سترمه شتاب
ایدرك ابرازی آرزو اولنان فکر و فلسفیه یی اصلا
موضوع بحث ایتیموب یالکیز فقه نقطه نظرندن -
فقط قصر مذهب ایتماک شرطیله - بر قاچشی سویله حکم .
ومنه التوفیق

اولا حکمت غزته سنده مقام مشیختی ایفاظ وارشاد
ایتمک اوزره سرد اولنان و بعض طرفلردن ده ایشیدلمکده
بولنان مقالات و افکاری آداب منظرده دائره سنده
مطالعه ایده بیلماک ایچون بروجه آتی بر شکل استدلال
افراغ ایتماک ایجاب ایدر که مسئله مشاغبه دن تجرید
ایدیله بیاسون ا کلا دیغمه کوره خلاصه دیورلر که :

دعوی ، زکاتک دونما اعانه سینه و برلمسی لازمدر
ویا اولادر ویا جائزدر .

دلیل ، زکات بر فرض دونما اعانه سی ده شو زمانده
بوکا معارض بر فرضدر .

ایکی فرض ثعارض ایتدیکی وقت ایسه اهمی تقدیم
اولمق لازم ویا اولا ویا جائزدر .

بناءً علیه

زکاة ایله دونما اعانه نیک هانکیسی اهم ایسه او
تقدیم اولمق لازم

ایضا ایتمکده بولندیقی « بیان الحق » ده دخی بعض ذواتک
اظهار حقه - عی ایتمکده اولدینی مسموع و منظور
اولدی . اسلاف فقهاء کرام بوکبی وقایع و حادث
ظهورنده در حال رساله لر نشر ایدرلر و مسئله یی یا اقوال
فقهاء ایله بالروایه ویا بونلره دسترس اوله مدقلری حالده
ادله شرعیه سینه مراجعتله بالاجتهاد ویا بالتخریج حل
وفصله جائیشیرلردی . بوکره میدانده دوشن ذواتک ایسه
تقلید آمی ؟ یوقه اجتهاد آمی داره کلام ایتدکاری عادات
آ کلا یه میورم . جمعیت علمیة اسلامیه دخی بوکبی
مسائلده وظیفه و صلاحیت فتواخانه جائیلرک اولدیغی
بیلدیکی ایچون رأسا مسئله قاریشمیور . بالطبع قوی
اولمق اوزره دکل نظریات فقهیه یی تشریح نقطه نظرندن
بو باده حسب الاستطاعه تبعات اجرایی و مطامعات
عاجزانه مک علاودسی ایله بر رساله قلمه آلوب نشر
ایتمک آرزو ایدردم . مع انماסף چوقدنبری بیان الحقده
یازی یازمه دیغمدن آ کلا شیلر جنی وجهله مشاغل عاجزانه
باشمدن آتقین اولدیغیچون بوکا موفق اوله میه جغم .
بستون سکوتکده بیان حقندن سکوت معناسی متضمن
اولمه سندن حذر ایدرک برایکی شی سویله مک ایستدم .

شوراسی خاطر نشان اولمق لازم کایر که کرک
مفتی و کرک فقیه حاشه کیریشدیکی بر مسئله ده اول امرده
قبول ویا انکار وضعیتلرندن برنده بولونماق و بو خصوصده
تمامیله خالی الذهن اولمق ایجاب ایدر . کرچه هر هانکی
بر حادثه ارباب عرفان اولان کیمسه لرک بر حس فطری
و طبیعیسی اوله بیایر که بوکا وجدانیات دینیر . بر مسئله
علمیه نیک تدقیقده اولا بو حس مجردله قبول ویا انکار
حکمنی ویردکن صکره کوکانه کوره دلیل آرامغه
قالیشان کیمسه لر هر زمان تحریف حقیقت تهلمکه سینه
معروض و (ولا تتبع الهوی فیضلاک عن سبیل الله)
مضمون عالی سینه مظهر اولورلر . ایشته بوکیلر در که
هر عصرده دینی مقاصد سیاسیه آلت ایده کیشلر در .

دوئما اعانه سی ایسه زکاتدن اهدر .

بناءً علیه

اعانه تقدیم اولمق لازم

اعانه تقدیم اولونجه ده زکاة تأخیر اولمق لازم ...

بناءً علیه

فرض اولان دوئما اعانه سی ادا ایدیلنججه زکاة تأخیر اولمق لازم ...

زکاة تأخیر اولونجه ساقط اولمق لازم

نتیجه

فرض اولان دوئما اعانه سی ادا ایدیلنججه زکاة ساقط

اولور .

موصول التناهی شویله بر قیاس ایله خلاصه ایدیلجه ک
اولان دلیلک مقدمه لری یعنی صغیر لری کبر الری ده
بروجه آتی اثبات اولمق ایسته نیلیور .

« زکاة فرضدر . قضیه بالجملة مسلمانلرجه مسلم
ومنکری کافر اولدینی معلوم اولدیغندن اثباته حاجت
یوقدر .

دوئما اعانه سی شوزمانده زکاته معارض بر فرضدر .
چونکه :

شوزمانده اعدای مسلمینک تجاوزات طاقتسوزانه لرینه
قارشی وسائط مدافعه یی استکمال ایتک « واعدوا لهم .. »
و « جاهدوا باموالکم وانفسکم » کبی آیات کریمه ایله
قرضدر .

بو استکمال مفروض ایسه یالکمز دوئما اعانه سیله
ایفا اوانه بیلیر .

بناءً علیه

بر فرض دوئما اعانه سیله ایفا اولنه بیلیر .

هر فرضک موقوف علیهی ده فرض اولور .

بناءً علیه

دوئما اعانه سی فرضدر

بوفرض زکاة ایله اجتماع ایدرسه مسلمیه حرج
لازم کلیر .

حالبوکه (لاجرح فی الدین) در

نتیجه

زکاة ایله دوئما اعانه سنک اجتماعی غیر جائز اولدیغندن
بر برینه معارضدر .

مفتی (!) فخر الدین

دوئما اعانه سی شو زمانده زکاتدن اهدر . چونکه
اعانه ده شوزمانده دره مفاسد زکاتده جلب منافع

واردر .

دره مفاسد ایسه جلب منافع دن اولادر .

بناءً علیه

شو زمانده اعانه زکاتدن اولادر . مفتی (!) سعید
اعانه تقدیم اولونجه زکات تأخیر اولور (بومعلوم)
زکاة تأخیر اولونجه ساقط اولور چونکه
ساقط اولماسه حرج لازم کلیر

(وللمشروعات درجات ولاخرج فی الدین)

مفتی (!) فخر الدین

برده ساقط اولماسه تعارض بر طرف اولوب خلاف
مفروض لازم کلیر .

شمعی شوسلسله بسیطیه افراغ ایتدیکم استدالات
ایلاک نظرده بر استدلال مجتهدانه کبی کوروندیکی ایچون
انسانک الحمد لله مملکت مزده مجتهد مفتیار یتشمش دیه
سوینه چکی کلیور ایسه ده بو استدالاتک سندلری بالذات
کتاب وسنته دکل طحاوی ، مجمع الانهر کبی کتب مذهبه
راجع اولدینی اکلاشینجه کیفیتک برمشاغبه منجر اولدینی
تحقق ایدیور . و ایشه بو مشاغبه نتیجه سی اوزرده
دعوی ثریاده نتیجه دخی ثراده قاله رق اورتیه سوریلن
دلیلارک نعوایه هیچ مناسبتی قالمدینی بالبداهه مشاهده
اولتیور .

شو استدلالک بسط ایتدیکم مقدماتی قارئارک وحقی
قائلارک حسن نیته برر برر کوز اوکنه کتیروب تصور
ایتمنی رجا ایدرم امید ایلرم که طوتیلان یولک چیقماز

(مادام بوگونگی مفاسد محققه بی ازاله اوزرمزه فرض اولور شو حالده جاب منافدن تماماً وازکجه ملی و جلب منافعۀ عائد نهیمز وارسه آنی درء مفاسده تخصیص ایلملی یز .

اولا ایلروده بزه بر طاقم فوائد مدنیه ویرمسنی قبول ایتدیکمز موزه خانه ده کی آثار عتیقه بی ثانیاً خزینۀ هایونده بولان آثار عتیقه و مجوهرات نفیسه بی ثالثاً تره لرده رابعاً جامعلرده خامساً هیمز عثمانلی اولوق حیثیتله کایسالرده بولان ذی قیم اموال و آثار نفیسه بی سادساً کرک سرمایه دارانک و کرک ارباب معاشک کفافندن فضله اموالی علی الترتیب صاتم صرف ایدلم و بوکادار بر قانون شرعی ییالم . بونلرک مجموعی احتمال بزه بر انکلیز دوناماسنک قیمتی بخش ایده جکی کبی سائر احتیاجات سیاسی و مدنیه مزه یتیشه رک بتون مفاسدیمزی ازاله ایده جکدر ، دیمک لازم کلور .

بو خصوصده بقالم ارباب حمیت و غیرت فتواخانه دن استغنا ایتسون . مقام مشیخت عایایه یه بویه استرحامات وارشادانده بولونسونلر فتوی آله میه حقلمی ؟ اله مزلرسه او وقت هم عامای هم فتواخانه بی اکلایور ، انکل اولور دیه ایتدکاری قدر طعن ایتسونلر . فقط بویه بر فتوی ویرلر نه اوله جق ؟ ترقی پروران امت بزم جیجیلریمزه ییجیلریمزه طوقونیمک دیه فریاده باشلایه جقلر ایشه بر سوسیالیستلک جدالی قوپه جق .

والحاصل دونامما جمعیت عالیه سنک مقاصد علویه سی کبی بیوک بر خدمته زکات مسئله سنی قاریش دیرمق غایتی اعتباریه فرائض دینیسه رعایتکار اولان بر قاچ زنکیکنک بر مقدار پاره سنی المی دیکر لرینی حالرینه براقق دیمک بیله اولیوب متدین او کبی زنکیکنارک محله لرنده ، مملکتلرنده حالت شخصه ده بولان بر طاقم فقرایه ویردکاری ویا ویره جکاری کفـاف یومی طوپلامق یعنی زنکیکنلردن دکل نقرادن استعانه اتمک وزوکورـ تلردن مدد اومق دیمکدر .

سوقاق اولدینی بک قولای اکلایشایر .

بن یالکیز اوچ نقطه یه اشارتله اکتفا ایده جکم . برنجیسی فرضلرک ماهیتی که زکاة بلا خلاف فرض عین و منکری کافر اولدینی حالده دونما اعانه سی یابیغا مفتیسنک دیدیکی کبی فرض کفایه یعنی اشخاصه دکل جماعت مسلمینک شخص معنویسنه فرض ویا خود سد ثغور اصلاً و نصاً کفایه اولوب زمانمز اعتباریه بالاجتهاد فرض عین اوله بیلمکدن زیاده سنه کیده میه جکی و بناءً عایه دونامما اعانه سنک فرض عین اولدینی انکار ایدن تکفیر ایدیله میه جکی سوز کوتورمن ظن ایدرم . بیلم بونک منکرینی تکفیر ایدن وزکاتک منکرینی تکفیر ایتیمان وارمی ؟

ایکنجیسی حرج نقطه نظرندندر . علم اصولی کورمش اولانلرک معلومیدر که حرج غیر محدود بر معنی افاده ایتمز . حتی حرج کلفت دیمک دکلدر . اوله اوله ایدی . قدر تکالیف شرعیه وار ایسه هپسی کلفتدن مشتق اولدینی ایچون هیچ بری مشروع اولماق ایجاب ایدردی .

خرجک بر معنای معین شرعیسی واردر که اوده قدرت ممکنه ایله مشروع اولانلرده قدرت ممکنه سنک قدرت میسرله ایله مشروع اولانلرده قدرت میسرله سنک فقدانی دیمکدر .

عبادات مالیه علی الاکثر قدرت اوزرینی مبتنی اولوب بو ایسه شرعاً نصاب ایله تعین ایتمش وزکاتده براز ده ایتسیراً نما و حولان دخی علاوه ایدلشد . بناءً عایه دونامما اعانه سنه بتون تصانی ویرمه جک اولان کیمسه لر نه دن حرجه دوشمش اولسونلر .

اوچنجیسی اعانه ایله زکاتک هرایکیده نده ده درء مفاسد جاری اولدیغیچون (درء المفاسد اولی من جلب المنافع) عده سی بونلر حقنده دکل بلکه بتون عثمانیلردن بروجه آنی براستغنا وقوعنده اوقونمق ایجاب ایدور شویه که :

مع مافیہ مسئلہ نك بونقطه سنه عائد قسمنی یوقدر جقله
اجمال ایستد كن سوكره درجه ثانیه ده ذات مسئلہ نك
جواز شرعیسی تحریری ایده جكم .

فكر عاجزانه كورد بومسئله ده ایكی صورت استغنا
تصور اولمایدرد .

برنجیسی

(دارالاسلامك حدود و نفوری غیر مستحكم
و آلات و اسلحه حریبه سی غیر تام اولوب یالکیز بوسیددن
حربیلرك استیلاسی تهلكه سنه معروض قالدینی تعیین
واموال خزینه ده دخی لدی البیع بونواقصی اكمال وقوت
لازمه یی اعداد ایده جك برمال قالدینی تحققیتمكله بالجمله
مسلمینه (واعدوا لهم ما استطعتم من قوة) امر جلیله
امثالاً سفن بحریه ولوازم حریبه انشا و اشتراسی فرض
اولدینی برزمانده صاحب نصاب نامی اولان اغنیای
مسلمین سفن مذکورده نك اشتراسی ایچون ماللرندن زكاتلری
مقداری و یاخود نصاب نامی یی استغراق ایتمك شرطیله
زكاتلرندن زیاده بر مقداری كرك بالا صاله و كرك امام -
المسلمین و یاظرفلرندن منصوب عاملار و یا بالذات مذکیرك
کندی وکیللری واسطه سله بالوکاله تأدیه ایتمش اولسeler
اشبو فرضك اداسیله وجوب زکاة ساقط اولورمی بیان
بیوریله .

ایکنجیسی : دار اسلامك حدود و سنوری غیر
مستحكم و آلات و اسلحه حریبه سی غیر تام اولوب
یالکیز بوسیددن حربیلرك استیلاسی تهلكه سنه معروض
قالدینی متعین و خزینه ده دخی لدی البیع بونواقصی اكمال
وقوت لازمه یی اعداد ایده جك بر مال قالدینی متحقق
اولمغله بالجمله مسلمینه (واعدوا لهم ما استطعتم من قوة)
امر جلیله امثالاً سفن بحریه ولوازم حریبه انشا
و اشتراسی فرض اولدینی امام المسلمین حضرتلری صاحب
نصاب نامی اولان اغنیای - لمینك زكاتلری شرعاً
(انما الصدقات للفقراء الخ) آیتله معین بولنان مصارف

ثمانیه دن برینه صرف ایتك اوزره عامل واسطه سیله وجه
مشروع اوزره جباتیت ایتدیرد كده مارالذكر سفن
بحریه ولوازم حریبه نك انشا و اشتراسی خصوصی زكاتك
مصارف ثمانیه مذکورده سفن برینه داخل و اول وجهله
حصراً صرف عمل جائز اولورمی بیان بیوریله

ایشته شو ایكی صورت استغنا قیود وقوعیه
و احترازیه سی كاملاً تأمل اولندقدنصكره ویریله بیله جك
جواب دخی ایكی وجه اوزره در .

برنجیسی برمفتی مقلدك جوابیدركه كرك مذاهب
اربعة معلومه دن و كرك سائر مجتهدین كرامك مذاهب
معتبرلرندن هانكیسنی تقلید ایدیور و یا هانكیسیله افتایه
مأمور بولنورسه اومذهبك روایت صحیحه سنه مستند
بولنور . انك دلیلی مجتهدینك نقولیدرد .

ایکنجیسی برمفتی مجتهدك جوابیدركه بو دخی
موردنصده اجتهاده مساع اولدینی ایچون اولا كتابه
ثانیاسنه ثالثاً اجماعه بولنر بولونمدینی تقدیردهده بولنردن
برینه قیاساً اجتهادینه مستند اولی لازم کلیلر ك بونك
دلیلی ادله اربه دن بریسیدرد . بولنر اولدینی صورتده
علی اختلاف مصالح مرسله در .

حال حاضرده و بالخاصه دولت عثمانیه ده بكون
مجتهد بر مفتینك مسند نشین افتا اولدینی معلوم اولماسنه
و فتواخانه جلیله بیله مذهب حنفییه تقلیداً افتایه مأذون
بولنسنه نظراً اول امرده مذاهب اربه ییه تقلیداً ویریله
بیله جك جوابلری تحقیق ایدم .

كرك مذهب حنفینك و كرك مذاهب سائر ثمانیه نك
اصولاً و فروعاً نقولی هر ایكی فتوایه « الجواب اولماز »
دیور .

برنجی صورتده چونكه هر فرض و عملك كرك
نفس وجوب و كرك وجوب اداسنه عائد شرطلری
معلوم مقرر بولندینی و بناء علیه هیچ بر فرضك اداسی
دیكر فرضی دكل واجبی بیله اسقاط ایدمدیكی ده كتب

مذہب دہ مبین اولوب بونار هر مفتینک اولا بللیه جکی احکامدندر . بونکچوندرکه فرائض خمسہ اسلامدن بیله هیچ برینک ادا سنده کی لزوم قطعی دیکرینی ساقط ایدمهز . وحقی خفیلر بو نقطه نظرندن اوزرنده قرض بورجی اولان بر کیمسه نک سنن رواتی بیله ساقط اولیه جفته قائلدر .

بونلرک نقانی یازمق بتون فرائض و واجباتک شرائط وجوب و اداسنی بورایه درج ایتک دیمک اوله جغندن بی لزوم اطناب اوله جقدر .

اوت نفس وجوبک شرائطی بولمدیغی زمان اساساً فرض توجه ایتدیکی کبی توجه ایتدکدن صوکره دخی بعض اعذار ایله ساقط اوله بیلر بو عذرلر وجوب ادا شرائطک عدم تحقیق ایله تلخیص اولور .

مثلاً قدرت ممکنه ایله واجب اولان احکامده قدرت ممکنه نک زکاة کبی قدرت میسره ایله واجب اولان احکامده قدرت میسره نک بلا صنع مکلف زائل اولمسیله وجوب ساقط اولور .

نته کیم زکاتده نفس وجوبک تحقیق ایچون نصابک من جهته العباد طلب اولمقده بولنان بر دیندن فارغ اولمسی یعنی بو دین مقداری طرح اولمقده باقی قالان مال نصابه بالغ اوله بیلمسی شرط اولدیغندن عکس حالده زکات واجب اولماز ایسه ده من جهة العباد طلب اولونمیان دیندن فراغت یعنی او دینی طرح شرط دکدر بویله بر دین صاحبک زکاتی نصابنده و دین مقداری دخی داخل اولور)

(ومنها الفراغ عن الدين قال اصحابنا رحمهم الله كل دين له مطالب من جهة العباد يمنع وجوب الزكاة سواء كان الدين للعباد كالقرض و ثمن المبيع و ضمان المتلفات الخ والله تعالى كدين الزكاة فان كان زكاة سائمة يمنع وجوب الزكاة بلا خلاف بين اصحابنا رحمهم الله تعالى سواء كان ذلك في العين بان كان العين قائماً او في الذمة

بستهلاك النصاب وان كان زكاة الاثمان و زكاة عروض التجارة ففيها خلاف بين اصحابنا ولو كان دين خراج ارض يمنع وجوب الزكاة بقدره وهذا اذا كان خراجاً يؤخذ بحق وكان تمام الحول بعد ادراك الغلة واما اذا كان قبل ادراكها فلا وما يؤخذ بغير حق لا يمنع وجوب الزكاة مالم يؤخذ منه قبل الحول . كذلك الارض العشرية اذا اخرجت طاماً واستهلكه وضمن مثه ديناً في الذمة وذلك قبل تمام الحول على الدراهم ثم تم الحول على الدراهم فليس عليه الزكاة هكذا في التارخية

فتاوى هندية

(قال الشافعي رحمه الله اذا كانت له مائتا درهم وعليه مثلها فاستعدى السلطان عليه قبل الحول ولم يقض عليه بالدين حتى حال الحول اخرج زكاتها ثم قضى غرمائه بقيتها مختصر مزني في مذهب الشافعي

واما نفقات الزوجات فالم تصر ديناً اما بفرض القاضي او باتراضي لا تمنع كذا هندية

ایشته شوقلاره کوره دونانما امانه سنه هر برزنکینک بورجی نه مقدار اولدیغی بحق تعین و تحقیق ایدر و او مقدار دخی طرف حکومتدن هر حالده بحق مطالبه اولمق ایجاب ایدرسه مقدار مذکور بالحساب نصاب زکاتدن طرح اولوب متباقی مال نصابه بالغ اولونجه لدی الحول یسنه زکاة لازم کایر . حال بوکه برزنکینه هیچ کسه بو کون سنک دونانما امانه سنه بورجک وار محکمه یه کیتسه ک بونی ویرمهک مجبور اولورسک دیه مز . چونکه بونی دیه بیلمک ایچون مسوغ شرعی دائره سنده عدل و حقانیت ایله مترافق اوله رق هرکسک سرمایه سنه کوره دونانمایه معین برورکی طرح اولمسی شورای امتک ادله شرعییه مستند قراریله اراده سینیه اقتران ایتدکدن صوکره معمول به بر قانون مشروع حالده تطبیق اولونمغه باشلامسی لازمدر . بو دورته دخی برزنکینک بتون نصابی المق خاطره بیله کله میه جکندن متباقی ده زکاتینه واجب اولور .

وجوب ادائك تحقنندن صوكره دخى زكاة ياشرائطنه
مقارن نيت ايله ادا ايدلمدكجه وياخود مال نامى بلا صنع
هلاك اولمدكجه بو وجوبك ساقط اوله ميه جنى ده مقرر در
يالكر مذهب حنفى ده نه زكادن بشقه بر واجبك ادا سنه
ونده زكاته نيت ايتمهرك بتون مالى نصديق ايتك دخى
زكاتى اسقاط ايدر.

(و شرط ادا مائيه مقارنه للاداء اولعزل ماوجب
او تصديق بلكه) غرر

(يسقط الزكاة بهلاك النصاب بعد التمكن من الاداء
عندنا خلافاً للشافعى له ان الواجب بعد التقرر لا يسقط
بالعجز كافي حقوق العباد وصدقة الفطر والحج فانما وجوب
الزكاة بقدره ميسرة ولذا خصصه بنصاب فاضل نام
حقيقةً او تقديرًا ورابع العشر من مائه مع بقاء اصله فلو قلنا
يبقائها بعد هلاكه انقلب غرامة على اصله امان المستهلك
فبعد على الفقير لتعين حقه فيه ولذا يبرأ بهبة ذلك النصاب
منه دون مال آخر وبهلاكه قبل التمكن

فصول البدائع فى اصول

الشرائع للمولى الفخارى

(ومن تصدق بجميع ماله لا ينوى الزكاة سقط فرضها
عنه استحساناً) هدايه

(قوله) سقط فرضها عنه (بشرط ان لا ينوى بها
واجباً آخر من نذر وغيره سواء نوى التقليل او لم تحضره
النية) فتح القدير

(ولودفع جميع النصاب الى الفقير ينوى به عن النذر
او واجب آخر يقع عمنوى ويضمن قدر الواجب) هندية
(لو ادى بعض النصاب سقط زكاة المؤدى عند محمد)
لان الواجب شائع فى الكل وعند ابى يوسف لا تسقط لان
البعض غير متعين ليكون الباقي محلاً للواجب بخلاف الاول
(هدايه)

(ولا يجزى اخراجها من الابنية من مكلف ولو لم ينو
او نوى صدقةً مطلقاً لم يجز ما اخرجه عما فى ذمته

حتى ولو تصدق بجميع المال ولا بد من نية الموكّل حال
الدفع الى الوكيل ومن نية الوكيل حال الدفع الى المستحق)
كشف القناع عن متن الاقناع فى مذهب الحنبلى
(قال الشافعى واذا ولى اخراج زكاته لم يجز الابنية
انه فرض ولا يجزئ ذهب عن ورق ولا ورق عن ذهب)
مختصر المزنّى فى مذهب الشافعى

(قال الشافعى وانما قلت لا تجزى الزكاة الابنية لان له
ان يعطى ماله فرضاً ونافلاً فلم يجز ان يكون ما اعطى فرضاً
الابنية سواء نوى فى نفسه او تكلم)

كتاب الام للشافعى رحمه الله

شونقوله وبونلرى نقل ايتديكم كتاباردهكى تفصيلات
سائر ميه ومذهب مالكي ده دخى مقدمات ابن رشد
ومدونة الكبريتك بياناته نظراً بر كيمس ميه زكاة واجب
اولدقدن صكره ادا زماننده ويا قبل الادا مالك زكاتى
حساب ايدوب آيبردينى صرهده زكاته نيت ايدوب ويرمكه
ويا نافله صدقيه نيت ايدرك ويا هيچ بر شيد نيت ايتمهرك
بنون مالى فقرايه تصديق ايتك صورتيله نصابك
بستون هلاك اولمى صورتنده عند الحنفيه زكاة ساقط
اوليور ايسهده او نصابى استهلاك ويا باشقه بر واجبه
نيت ايدرك صرف ايلديكى زمان اصلا ساقط اوليور
مذهب سائر ميه كوره ايسه بعد الحول هلاك صورتنده
ساقط اولمدينى كى كرك نيتله وكرك نيتسز نافله ميه ويا
زكاتك غيرى بر واجبه صرف ايلديكى زمان ينه ساقط
اوليور . شوحالده دونانما اعانهسى ايكنجى صورت
استفتا وجهله مصرف زكاة دكل ايسه نه نيت ايله
ويريلير ايسه ويرياسون هيچ بر مذهبه كوره زكاتى
اسقاط ايدميور .

كله لم ايكنجى صورت استفتايه :

بودخى مذهب اربعه ميه كوره (الجواب اولماز) ايله
نتيجه ليور .

مذهب حنفى ميه كوره :

صنفدن برینہ ویا علی السویہ ہپسنہ بالاصالہ ویا بالوکالہ ویرملک لازم اولدینی و وکالتی حکومت درعہدہ ایتدیکی صورتدینہ بونلردن برینہ صرف ایتسی واجب بولندیکی و بو مصارف ثمانیہ نیک ہپسیدہ قابل تملیک تملک اولان اشخاص مکلفہ اولمق یلازم کلدیکی و افعال و اعمالہ ، نہدرلو اولورسہ اولسون مؤسسات خیریہ ، جہادہ ، سد ثغورہ زکاة ویریہ میہجکی تعین ایدیور .

شمدی مسئلہ نیک نقل صریحی بویلہ اولدینی صورتدہ مذاہب مشار الیہانک برازدہ جہت استدلالندن بحث ایتک ارزو ایدیایر-سہ بوخصوص کتب مذاہبہ حتی تفاسیردہ مبسوطدر . اجمالی ایسہ شوندن عبارتدر .

آیتدہ انما کلمہ سیلہ ابتدار ایدوب «فریضۃ من اللہ» ایلہ تمام اولیور . بونک ایچون فرض اولان صدقاتک مصارفی بو سکیز صنفہ انحصار ایتدیکی صورت قطعیدہ ثابتدر .

ثانیاً صدقات کلمہ سنک معنای شرعیسی ہر حالہ تملیک و تملیکی متضمن بولدیغندن و آیتدہ ہر صنفہ بالذات ویا بالعطف داخل بولنان لام وفی کلمہ لری تملیک و قبض مضائری لغہ مفید اولدیغندن سکیز صنفک سکزندہدہ اہلیت تملک لازم اولمغلہ تملیک زکاتک رکنی اولدینی آیتدن . استفاد اولدینی کبی (خذ من اموالہم صدقۃً تطہرہم و تزکیہم بہا) آیت کریمہ سیدہ عین معنای تأکید ایلدیکی واحادیث و اخبار و انار صحابہ دخی بونی مؤید بولندیقی نمایان اولویور . و بونلرک ہیئت مجموعہ سی صنوف ثمانیہ نیک بعضلرنہ رونمون اولان اطلاقی تقييد ایدیور .

بوسببہ مبنی وجوہ بر ، جہاد و سد ثغور کبی افعال و اعمالکدہ داخل اولسی ماحوظ بولنان (فی سبیل اللہ) نظم جلیانی مفسرین کرام بروجہ آتی تفسیر ایلشردر .

(فی سبیل اللہ) ای الغزاة و الحجج المنقطع بہم کشاف و ابوالسعود)

لایجوز ان یبني بالزكاة مسجداً لان التملك شرط فيها ولم يوجد وكذا بناء القناطر واصلاح الطرقات وكري الانهار والحج والجهاد وكل مالا تملك فيه تبين هندية درر وغيرها من كتب الحنفية مذهب مالکی :

قال مالك لا تجزئ ان يعطى من زكاته في كفن ميت لان الصدقة انما هي للفقراء والمساكين ومن خمس الله فليست للاموات ولا بنيان المساجد

المدونة الكبرى في الفقه المالکی

مذهب شافعی :

ويجب تعميم الاصناف ان امكن والافتعيم من وجد وعلى الامام تعميم الاحاد ويجب التسوية بين الاصناف غير العامل لابين الاحاد

منہج و شرحہ فی الفقہ الشافعی

(واسبیل اللہ) وهو (غاز متطوع) بالجهاد (ولوغنا) (وسهم سبیل اللہ) کاوصفت یعطی منہ من اراد الغزو من اهل الصدقة فقيراً كان او غنياً ولا يعطى منه غيرهم الان يحتاج الى الدفع عنهم فيعطى من دفع عنهم المشركين لانه يدفع عن جماعته)

مختصر منی فی الفقہ الشافعی

امام شافعی بہ کورہ قرآندہ ذکر اولنان اوصاف ثمانیہ دن یالکیز برینہ زکاتی تخصیص ایتک بیلہ جائز اولیور . وسهم سبیل ادايسه غاية الغاية غزاتک يدینہ ویریلیور مذهب حنبلی :

(وهم) ای اهل الزكاة الذين جعلهم اشرع محلاً لدفعها اليهم (ثمانية اصناف لایجوز صرفها الى غيرهم)

کبناء المساجد والقناطر وسد البثوق وتكفين الموتى ووقف المصاحف وغير ذلك من جهة الخير .

کشاف القناع من متن الاقناع فی الفقہ الحنبلی شو نقول فقیہہ دن استفاد اولدیغنه کورہ مذاہب اربعہ نیک اتفاقیلہ زکاة تاسرنامہ مقالہدہ یازبلان (انما الصدقات الخ) آیت کریمہ سندہ بیان اولنان سکیز

خیریه به بیله زکات و یرمک جائز اولدیغنی قنال تفسیرنده بعض فقهادن نقل ایشدر دیور بونقله کوره دونما اعانه سنه ده زکاة و یریه بیلیمک جائز اولیور ایسه ده مذاهب اربعه نك کتب روایتی خارچنده کیم اولدیغنی بللی اولیان و مذهبک اصلی هنوز مجهول بولنان ذواتک بووجهله کتب تفاسیرده تصادف ایدیان روایات مجهوله سی اوزرینه بالطبع فتوی و یریه من .

تفسیر قاضی ده بیکا اشارت ایدیور . دیورکه (فی سبیل الله) وللصرف فی الجهاد بالانفاق علی المتطوعة و ابتیاع الکراع والساع و قیل فی بناء القناطر والمصانع) انتهى قیل صورتیله تضعیفی غیر موثوق اولدیغنی کوستریور . حاصل کلام کړك مذاهب اربعه نك و كړك آنلړك خارچنده بولنانلړك روایاتی شوندن عبارت اولوب مالک عثمانیه ده معمول به اولان مذاهب مقتیارینك وبالخاصه مذهب خنفي اوزره افتایه مأمور بولنان فتواخانه نك قفلاک صورت مهمه ده نقل ابن دیکي مذهب ایله فتوی و یرمسنه احتمال و یریه من . بوکون بومذهب ایله فتوی و یرمک آنجق ایکنجی شقه عائد اولان فتوای اجتهادی ایله بالیکه قابل اوله بیایر . بیلیم فتواخانه بونی یاه بیایر می! نقول صریحه اولیوب یالکیز حادثه مجرد حالنده قالان واقعاتده مقلد مفتیلړك بیله تخریجاً جواب و یرملری وحدته یی حکم شرعیسنز براتماملری شرعاً واجب ایسه ده شمدی یه قدر فتواخانه بو حکمه تابع اولماش مسئله مبحوث عناده ایسه نقول صریحه موجود بولمشدر .

یالکیز کچن کون حکمت غزته سی برشی سوبلیوردی دیوردی که و قتیله بوکا فتوی و یرلمش بوکون علما بونی صاقلا یورمتش ؟ قوجه فیاسوفک دویدینی بلکه شودر . ابوالسعود فناواسنك بعضارنده کورولمیدی حالده بعض نسخهلرنده بر فتوا صورتنه تصادف ایدیلیرکه خلاصه .

(بر محاربه بحریده ده عسا کر منصوره مسلمینک)

یعنی مذاهب ثلثه اربابی (ای الغزاة) دیه حنفیلر منقطع الغزاة عندابی یوسف ای الفقراء منهم ومنقطع الحاج عند محمد ای الفقراء منهم) دیه تفسیر ایشاردرد . بونی تصریحاً تفسیر کبیر دیورکه (قال المفسرون معنی الغزاة قال الشافعی رحمه الله يجوز له ان يأخذ من مال الزکوة وان كان غنیاً وهو مذهب مالک واسحق وابی عیید وقال ابو حنیفه وصاحباہ رحمهم الله لا یعطى الغازی لا اذا کان محتاجاً) درر حاشیه سی شربنالا لیده دخی نو نقل واردرد .

قال فی البدائع (فی سبیل الله) جمیع القرب فیدخل کل من سعى فی طاعة الله وسبیل الخیرات اذا کان محتاجاً اه بوکا کوره ده سبیل الله هر خیره شامل ایسه ده یته نفس فعله دکل او فعله فاعل اولان ارباب احتیاج ذواته عائد اولیور . بونک انچون (من سعى) دیشدر . بن عابدین مرحوم بونی ایضاح ایلیر .

زکاتک عندالحنفیه صنوف ثمانیه نك فقراسنه مصروف اولمیسه کړك صدقه و کړك سرنامه ده یازدیغ (خذوها من اغنیائهم وردوها الی فقرائهم) کبی احادیث مشهورده مستند ومقدار زکات دخی قرآنده مجمل اولوب فعل نبی (وهاتوا ربع عشر اموالکم) کبی احادیث مشهوره واجماع اصحاب ایله ثابتدر .

قارئین کرامه بالخاصه صدقات آتی حقنده تفسیر کبیرک مطالعه سنی توصیه ایلرم .

(فی سبیل الله ده اولجه حکایه ایتدیکم قولدن صکره دیورکه :

واعلم ان ظاهر اللفظ فی قوله وفى سبیل الله لا یوجب القصص علی کل الغزاة فلهذا المعنی نقل القفال فی تفسیره عن بعض الفقهاء انهم اجازوا صرف الصدقات الی جمیع وجوه الخیر من تکفین الموتی وبناء الحصون و عمارة المساجد لان قوله فی سبیل الله عام فی الكل) انتهى یعنی (فی سبیل الله) نظم جلیلتک اطلاقی اوزره جاری و بناء علیه بالجملة افعال

اقوادر . زیرا تفسیر مذکور معروف و متواتر فتوی ایسه
اختلاف نسخ ایاه مشکوک و متروکدر .

دو ناما منک تقویه سی ایچون هر درلو ترغیبات
و تشویقات دینیه صرف همتدن هیچ بر وقت گیری
قالیدان علما و فتواخانه و مقام مشیخت زکاة مسئله سینه
فتوی ویرمز لسه شو حالده ذره قدر هدف اعتراض
اولمایددرلر . چونکه فتوی ویرمنک دیمک نظریات
فقهیه میاننده الکرلی بر قولی بالجمله مسلمانلره معمول به
بر قانون نشر ایتک دیمکدره . بوکون بزده ارباب حقوقک
بر قسمی اوروپا قانونلرنده کوردکاری بر نقلی عجبا بو
نقل حریت ، مساوات کبی حقوق طبیعیه بی اخلاص
ایدیورمی ایتمیورمی دبه دلائل اصلیه و عقلیه سنی دوشونمده دن
تطبیق ایتکه قائلشدیفنی و حتی اصول محاکات حقوقیه
قانوننک ذباندیه کی تبایعات تحریریه بو قییلدن اولدیغنی
هر کون کورمکده اولدیغنی حالده وظیفه و صلاحیتی
داخلنده بولان بالجمله ادله شرعیه مراجمتله ال مناسب
بولدیغنی دلائل و نقوله کوره فتوی ویرن عالمانک دین
باننده خاطر و کوکله باقدیغنی کوروب تقدیر و هوایه
اتباع ایلمانلری تقبیح ایلک اقتضا ایدر .

برازده اجتهاد نقطه سینه نقل کلام ایدم !
کندیسنده اجتهاد ایتک صلاحیتی کورن بر ذات
اول امرده « لا اله الا الله محمد رسول الله » دن بشقه بر
رکن اسلامی طانیوب شمده یه قدر مجتهدین کرامک
اساس اتخاذ ایتدکاری ادله اربعیه استناد ایتمه رک مجرد
کندی عقل و فکرینک ایجاباتی قناعت وجدانیه سنی
تعقیب ابدیه جک اولورسه بز بو کبیلره طبیعی مجتهد دکل
مسلمان نظریله باققده دخی تردد ایدرز .

یوق بویه اولیوب ظاهریه کبی نص و صدن باشقه
برشی طانیورسه او وقت اجتهادیده طانییه جغندن یه
مجتهد دیمز .

واکر اولجه سویلدیکم وجهله ادله اربعه نک و حتی

دوچار هزیمت و خسار اولملری اوزرینه اخذ ثار ایچون
طرف دولتدن برچوف خزان صرفیه بیوک بردونامای
عثمانی وجوده کتیر اددکن صوکره جهاده عزیمت ایچون
تدارکاتده بولنلدیغنی صروده بالجمله اغنیای مسلمینک مالاً
جهاد مذکوره اشتراکری کندیلرینه غازیلک ثوابی
ویره بیلجکنی و بو صورتله اغنیاء مسلمین ذکر اولنان
غزاة مؤمنینک تجهیزینه صرف ایتدکاری مالی سابقا
لازم اولوب . ادا اولنمیان و حالا اداسی لازم اولان و بوندن
صوکره لازم اوله جق اولان زکاتلرینه نیت ایدوب صرف
ایسه زکاة مزبورده یرینه کچه جکنی (سویلیور و بوکا
دائرة هیچ بر نقل و یا دلیل کتیرمیور .

برکره ای بیاملیدرکه بو فتوی صورتی ابوالسعود
فتاوا سنک هر نسخه سنده موجود اولمادیغنی ایچون دلیل
اولمادیغنی قدر روایتی ده اوراق حوادث قییلدن اولمش
اولور .

ثانیاً غزاة مؤمنینک تجهیزینه کله لری شایان دقتدرکه
بوندن هیچ بر وقت قفالك نقل ایتدیکی معنی فهم
اولنه ماز . چونکه مقصد اوله اوله ایدی جهاد مذکور
ایچون هر درلو تهیو و استعداد صرف ایتدکاری مالی
دیمی لازم کلیدی . بلکه فتوای مذکوره نک معناسی
قابل تملک اولان غزاة مؤمنینه سلاح و نفقه الوب
تملیک ایتدکاری مالی دیمکدرکه قاضی بیضاوی رحمه الله
علیه (و للصرف الی الجهاد بالانفاق علی المتطوعه و اتباع
الکراع و السمع) دیو سابقا نقل ایتدیکم تقسیمیرینک
مضمونی دیمک اولور . دو ناما عانه سینه ویرله جک زکاتلر
ایسه اشبو تملک معناسدن قطعاً عاریدر .

هایدی بو فتوادن ابوالسعودک مقصدی قفالك نقل
ایتدیکی مذهبدر دیمه لم و حالده ابوالسعودک کلامی متناقض
الوب اول و آخرده هانکیسی اولدیغنی معلوم اولمادیغندن
یابستون مهجور اولمق و یا اقواسیله عمل ایدمک لازم
کلیر تفسیرندن سابقا نقل ایتدیکم سوزی شبهه یوقکه

سبیلہ صفاً) کبی آیاتده جهاد معناسی آ کلاشیلیورایسهده بو معنا قاتلودن مستبان اولیور . بناءً علیه بن بالجمله وجود برو خیره زکاة ویرلک جائز اولدیغنه قائل .

حتی صدقاتده تملیک لازم اولمادیغنی قبول ایتدکن صوکرده سنوف ثمانیه ک دلائندن بونلرد مـاوی یا بونلردن اولی کوره بیلجهکم خصوصاتهده زکاتک صرفنه قائل اولورم .

حتی زکاتک تفسیرینه عائد اولان بالجمله نصوصک عرف زمان ایله معلل اولدیغنی شو وشو کبی آیات واحادیشدن آ کلام بناءً علیه زکاة هر زمان ایچون حکومت اسلامیهنک عدالت دائرده سنده عرف زمانه کوردطرح وتوزیع ایدهجکی ویرکی دیمک اولدیغنه قائل وبو زمانده ایسه حکومت افراد مسلمینه بلک حدرلردن زیاده ویرکی طرح ایتشد .

ایشته بو ویرکیلر زکاتدر . بونی بونیتله ویرنلر ونزبه صرف ایدلکی صـورانلر فرضی ایفا ایتش اولورلر . ارتق بونلردن بشته نام ایله زکاة نماز .

ایشته وجودیغنی فرض ایتدیکم بر مجتهد احتمال بویه اجتهاد ایدیبئر . وعلماء اسلام دخی آنک دلیلارینی جرح وتنقید ایدرک اظهار حقیقه چالیشه بیلرلر . اکر بو مجتهدک دلیلاری حکمت غزته سنده او قودیمم اجتهادلر کبی اولورسه کیمسه بش پاردیه آماز .

آرتق سوز اوزانیوردی . بلاناسـبه زمانزده موجود اولیان مجتهدده صورت فرضیهده نقل کلام ایتدم . بن کندی حسابمه وکندی عاجزانه اکلاشمه نظراً مذاهب اربعهنک بوبایدکی اساسلرینه معتقدم . فلسفه اجتماعیه و اوروپانک بالخاصه شو صروده اکلادیغم احوالی نقطه سندن دیرم که زکاة فقرا ویرکیسیدر .

شریعت اسلامیهنک غواضنه کوره متشکل بر حکومت بو دجه سـنه زکاتده داخل اولمی فقط سوسیالیزم چیقارمسی مأمول اولان فقرای مسلمینه صرف

بشنجیبی عد ایدیلن مصالح مرسله ک نه دیمک اولدیغنی بحق تقدیر ایتدیکی کبی بونلر حقنده معلومات تامه ومذککه کامله یه مالک اولدیغنی وبوکون ارباب اختصاص نه دیمک اولدیغنی هرکسجه معلوم بولمسنه نظراً اصول دینده بحق ارباب اختصاصدن بر عالم بولندیغنی صورتده بویه اولان بر ذات اولا مجتهدین اسلافک اقوال ودلائله باقار بونلردن نقطه نظرینه موافق اولمیانلری رد ایله خلافتی عن دلیل اجتهاد ایدر .

بویه بر مجتهد موضوع بحثمز اولان مسائله دخی اولا زکوة حقنده وارد اولان آیات واحادیث وآثار سائر دینی تماماً تتبع ایدوب بونلرک معانی لغویه لرینک نندن عبارت ایدوکنی معانی شرعیهرلینک معانی زائد ویا ناقصه افاده ایدوب ایتدیکنی وبونلرک موردلرینی ومعلل اولوب اولمدقلرینی اولدقلری صورتده منطاط ومفهوملاری ومعلل واسبابی نه ایدوکنی وبو بایدستنباط ویا قبول ایدهجکی اصولی ومصالح مرسله ایله عملی قبول ایتدیکی صورتده ادله اربعه بولونمیان موادده حادثه ک بالاطراف ماهیتی تدقیق ایتدکن صوکرده مثلاً ایکنجی نواده دیه بیلیرکه :

بن زکاتک تملیک اساسنه مستند اولدیغنی قبول ایتدیورم . بونکه صدقه کله سنک تملیکی هر حالده تضمن ایتدیکنی کلام . نته کیم وقتهده صدقه اطلاق اولدیغنی شرعاً ثابت ایکن وقتهده اسقاط معناسی کوزه دینه بیلور . حتی معارضلرمدن بعضیلاری بیله بوکافائل اولملار . صدقاتدن تملیک آ کلاشیلمیجه لام ایله فی دخی بو معاده نص نکدر حتی بو ایتده عاقبت ایچوندر . هایدی لامده و معنایی قبول ایتـم بیله فی داخل اولان صـنلرده فی کله سنک قبضه دلائلی تسلیم ایده میه جکم ظرفیت مجرده هاظا هر در ولامدن فی یه سبب عدول دخی بوطن ایدیورم . (فی سبیل الله) ی تقیید ایده جک بر آیته ویا بر حدیثه دسترس اولمدم . کرچه (قاتلوا فی سبیل الله) (وفی

التاريخه تفسير ايدرلر ایدی . بز شمدی نو ایجاد قوای
دافعه ، وحصون متحرکه ایله تفسير ایدرز .

اویله یا ، بو عصرده اوق ، یای ، قارغی کبی اسکي
سلاحلر شو فقره قرانیه ده کی قوتی تفسیره لایق هیچ
بر تیمت حریبه یی حائر دکدرلر . کیم بیلور آتیا دها
نه کبی تفسیرلره احتیاج مس ایده جک .

بنده کنز شو فقره قرانیه نک ضمننده دقیق بر نکه
دها کوربیورم (اعدوا . حاضر ایدکز) امرینه
باقیورم ، اویله اکلایورم که ، الله تعالی حضرتلری بزه
قوتکیزی الکزه آلکزه عالمی تخریب ایدکز دیمور .
یا . صالح و مسالمت علنده هر زمان ظهوری ماحوظ
اولان مخاصمات و مهاجمانه قارشو مهیا بولنه مزی امر
ایدیور .

باقکیز ، بومقصدی دها واضح بر بیان ایله اکلایم
ایچون اوفقره یی ولی ایدن اوج درت کله یی متعاقب
(دشمنلری وانلردن بشقه سزجه معلوم اولمیان دها
بعض اعدا کزی قورقوش اولورسکیز) تنبیله الله
رضاسی ایچون ایدیلان اتفاقک بلا نقصان ایفای مکفاتی
قطعیا وعد ایتدکدنصکره انار صلحه میل ایدرلر ایسه
سنده متوکل الله میل ایت (امرینی ویرمش ایدی .

تاریخیمز ده ارشیدرر ایسه ک کوره جکیز که صدر
اسلامده سیله کبار اصحاب او وقت ایچون مقتضی اولار
قوای بحریه یی احضار واستصحاب ایله فتوحات بحریه
بالذات قبولدایق ایشلر ، صیت وعدالت مسلمینی کیم
ایچنده دکزلرک تا اورته لرینه قدر ایلری کتورمکه
موفق اولمشلردر .

هله بعض قادین صحابیلرکده اوغزوات بحریه
بالاشترک مستغرق دریای شهادت اولدقارینی کوروب
اوقودقجه انسانک قابنده کی طمار بوریلری رقیق بر
بخار حمیتیه طویور .

صره سی کلش ایکن قرآن کریمده دکزلرک ، کملرک

اولمیلی در . (کی لایکون دولة بین الاغنیاء منکم) دن
بونی اکلایورم . قارئین کرامدن رجا ایده رم که صوک
سوزلرمدن اجتهاد دعواسنده اولدیغمه قائل اولم-ونلر بن
عجزیمی بیلیر حیا ایدرم و بو موقع بالاترینک اهلنی
کورمش اولسه م بلکه طایزیم . مقاله مک دقتله وحسن نیتله
اوقونمسی استرحام ایدرم والحمد لله العلام

انطالیه مبعوثی

کویوک صری



دوئنامزی یاپه لم . دینمزی ییقمیه لم

دوئنامزی یاپه لم : مقتضیات زمانی نظر اعتباره
الهرق هر احتمال قارشو لازمکلان قوتلریمزی حاضر
ایتمه لی بز . عموم معنا نقطه سندن (واعدوا لهم ما استطعتم
من قوة) فقره قرانیه سی بزه بویه امر ایدیور .
معلومدر که ، بز آق دکزده ، قره دکزده ، شاب
دکزنده ، سواحلی کثیر اولان دولتلر دنز . اطه لرمن ،
بوغازلرمن ، کورفزلرمن وار . بونلری محافظه ایچون
البته قوته محتاجز . او قوت نه در ؟ دوئنا ، دوئنا .
مع التأسف بو قوت شمدیلاک بزده ناقص در . اوت
ناقص در اما اوقوتی استحضار ایچون لازمکلان استطاعت
مالیه حمد اولسون یوق دکل . زنکین ، زوکورد هر کس
بخل وطمعی قلبندن چیقاره رق کوچی یتدیکی قدر دوئنا
اعانه سنه اشتراک ایتک وجیهه سنی ایفایه مسارعت ایدرسه
آرزمانده شوکت عثمانیه ایله متناسب مکمل بر دوئنا
وجوده کتیرمک ممکندر .

جناب حق بیامور که ، درید ناوتار ، زره لیلر ،
طوریبتولر ایجاد ، و سریع آتشلی تفنکالر ، طویلر
اختراع ایدیله جک . انک ایچون بزه بر لفظ عام ایله
(قوة) کزی حاضرله یکز بیوردیلر .

بو قوتی بر زمان اوق ، یای ، قارغی کبی جنک